

# Møtebok – Lom fjellstyre

Sak nr.:	32/2023	Arkiv nr.:	335.2	Møtedato:	24.10.2023
Saksbehandlar: Åsmund Galde					

## Søknad om fornying av hamneleigekontrakt for perioden 2024 – 2033, frå Lom Tamrein AS.

Sakspapir:

- Hamneleigeavtale 2014-2023
- E-post 3. juli frå Lom tamrein AS. Søknad om fornying av hamneleigeavtale
- Diagram – utviklinga i økonomien til Lom tamrein AS
- E-post frå Lom tamrein 27. september. Slaktekostnader.

### Saksutgreiing:

Løyve til tamreindrift i statsallmenning utanom reinbeiteområde er regulert av fjellova, § 17, der det heiter:

*«Utanom dei reinbeiteområde som er eller vert fastsette i medhald av lov kan tamreindrift i statsallmenning berre føregå etter særskilt løyve frå fjellstyret. Slik løyve kan gjevast for inntil 10 år om gongen, men berre så framt tamreindrift ikkje vil medføre vesentleg skade eller ulempe for bruksrettshavarane og heller ikkje andre omsyn gjer det utilrådeleg.*

*Fjellstyrevedtak etter paragrafen her må stadfestast av departementet for å være gyldig. Departementet kan vise spørsmålet om tamreindrift vil medføre vesentleg skade eller ulempe for bruksrettshavarane til avgjerd ved skjøn.»*

Med e-post 7. juli har Lom Tamreinlag AS v/Kristian Kjæstad søkt om fornying av hamneleigekontrakta mellom tamreinlaget og Lom fjellstyre. I e-posten går det fram at ein i hovudsak søker ei avtale med same vilkår som eksisterande avtale, men at ein ynskjer eit møte for å diskutere fylgjande moment:

- Bruk av drone og helikopter
- Endring i punkt om tvisteløsing
- Fastbeløp som korrigerast på grunnlag av kpi


Representantar frå Lom tamrein AS og fjellstyret gjennomførte eit forhandlingsmøte 16. august. I møtet opna representanane frå fjellstyret for å avtalefeste spørsmålet om rettigkeitshavars løyve til bruk av drone og helikopter, og for å endre avtaleteksten om misleghald og tvist. Når det gjaldt spørsmålet om fastbeløp fremja tamreinlaget ynskje om at dette skulle gå ut, men etter drøfting vart det semje om at ein held fram med fastpris slik som i gjeldande avtale. Fjellstyret fremja ynskje om ei konkretisering av utrekningsgrunnlaget for «heilvektsprisen pr. kg. kjøt levert slakteplass, rekna for siste års slakting».

### Opplysningar og merknader:

Med bakgrunn i tal frå rekneskapen til Lom tamreinlag er det sett opp eit diagram som syner korleis utviklinga i økonomien har vore innan laget siste åra. Som ein ser har det

# Møtebok – Lom fjellstyre

ikkje skjedd vesentlege endringar i forholdet mellom driftsresultat, utbytte og beiteleige gjennom siste avtaleperiode.



Når det gjeld spørsmålet om rettigkeitshavers løyve til bruk av drone og helikopter er dette noko som kan nedfellast i punkt 8. Det bør i tilfelle presiserast at tamreinlaget sjølv er ansvarlege for at det føreligg nødvendig heimel i lov, forskrift eller løyve frå nødvendige forvaltingsorgan for all motorferdsel. I punkt 13. om tredjepart i tvisteløysing blir det foreslege å endre dette frå «sorenskrivaren i nord-gudrbrandsdal» til utenrettsleg mekling ved bruk av sertifisert meklar. Fastbeløpet blir foreslege uendra, men ein endrar beløpet i avtaleteksten frå «56.000 pr. 1.1.2004» til «87.831 pr 1.1. 2023 i tråd med kpi reguleringsa som bestemt i gjeldande avtale. Beløpet skal fortsatt kpi-regulerast årleg pr. januar det året leiga blir betalt.

Når det gjeld fråtrekk for slaktekostnader ved oppgjær for beiteleige, blir dette foreslege konkretisert i framlegget til ny avtale. Utrekningsformelen for beiteleiga er basert på «*heilvektspris pr. kg. kjøt leverert slakteplass*». Dette skriv seg frå den tida da nortura stod for slaktinga med m.a. slaktepersonell, avfallshåndtering, nødvendig godkjenning, klassifisering, matilsyn/veterinær, avliving m.m. I dag er det tamreinlaget som står for alt med slaktinga og kostnadane knytt til denne. Desse utgiftene har tamreinlaget siste åra trekt frå ved utrekning av oppgjær for beiteleiga. Kva utgifter som skal kunne leggast til grunn har ikkje vore spesifisert gjennom beiteigavtala, eller vore synleggjort i oppgjærsgrunnlaget for beiteleiga. Dette bør konkretiserast i ny avtale. I e-post 27. september, som ligg ved, har tamreinlaget sett opp ei oversikt over kostnader tamreinlaget dei siste åra har dekt sjølve, som dei meiner nortura tidlegare tok kostnaden på ,og bør kome til fråtrekk ved utrekning av «*heilvektspris pr. kg. kjøt leverert slakteplass*». Av kostadane som er lagt fram, er det kanskje utgifter knytt til markedsføring som skil seg ut og bør vurderast nærmare av fjellstyret.

# Møtebok – Lom fjellstyre

Behandlinga av saka har vore førehandsvarsla på fjellstyret si heimesida og i fjuken. Etter vedtak skal saka leggast ut til offentleg ettersyn og sendast lanbruks- og matdepartementet for stadfesting før det er gyldig.

## **Forslag til vedtak:**

Lom fjellstyre stiller seg positive til, og vil medverke til at ein kan halde fram med tamreindrift i Lomsfjella ved å fornye hamneleigekontrakta si med Lom tamrein AS.

Fjellstyret meiner det er grunnlag for å vidareføre gjeldande avtale med desse endringane (endringar markert med raud skrift):

5. Hamneleiga fylgjer prisen på reinskjøt etter følgjande forhold: For den reinen som laget har i produksjonsflokk, dvs. talet på rein etter vinterslaktinga, skal den årlege leiga utrekna slik: kr. [(2,1 x antal dyr x heilvektsprisen pr. kg. kjøt levert slakteplass, rekna etter gjennomsnittspris for siste års slakting) + eit fast beløp på **87 831 pr. januar 2023**]. Det faste beløpet skal årleg korrigeraast basert på kpi for januar det året leiga skal betalast. For oppgjer i **2024** vert altså endring kpi frå januar 2023 til januar 2024 lagt til grunn for utrekninga av det faste beløpet.

**Kostnader som er direkte knytt til slakteutøvinga på slakteplassen kjem til fratrekk ved utrekning av «heilvektspris levert slakteplass». Utgifter knytt til marknadsføring, slakteanlegg/bygningar, inventar- og utstyr, andre faste installasjonar og eigne lønnskostnader skal ikkje reknaast med. Kostnadane skal spesifiseraast og synleggjeraast ved utarbeidning av grunnlag for utrekning av beiteleige.**

**Leigeprisen gjeld for avtaleperioden.** Etter 3 og 6 år kan partane forhandle om ny pris.

Leigesummen skal ukravd betalast med kr. 75.000,- pr. 1.2. kvart år, og resten innan 1.5. kvart år.

8. Tamreinlaget skal ha rett til å reise flyttbare anlegg for merking av kalv på dei stadene der det er naudsynt, men Lom fjellstyre skal varslast på førehand. For reising av hus og andre meir varige anlegg eller bygging av vegar og liknande, må tamreinlaget ha løyve frå Statskog SF. For nødvendige installasjonar og anlegg innanfor grensene for nasjonalparken må tamreinlaget innhente særskilde løyve frå forvaltningsstyresmakta for nasjonalparken.

Dei fast tilsette gjetarane i tamreinlaget skal ha rett til å nytte snøscooter under sitt arbeid med reinen. Dersom det utover dei fast tilsette er behov for å leige ekstra mannskap med snøscooter eller anna motorisert framkomstmiddel, skal fjellstyret varslast i kvart enkelt tilfelle. **Tamreinlaget får rettigheitshavers løyve**

# Møtebok – Lom fjellstyre

til å nytte drone i den daglege drifta, og helikopter i samband med samling og inntak.

Tamreinlaget er ved motorferdsel i utmark ansvarlege for at det føreligg nødvendig heimel i lov, forskrift eller løyve frå nødvendige forvaltingsorgan.

13. I tilfelle misleghald av, eller tvist om forståinga eller tolkinga av avtala, skal tvisten søker avgjort gjennom utanrettsleg mekling i ei nemnd med tre medlemmar, der kvar av partane oppnemnar ein representant, og den siste representanten skal være ein sertifisert meklar, godkjent av advokatforeininga.

## **Behandling:**

Jon Sjurgard bad fjellstyret om å vurdere sin habilitet ved behandling av saka, da han har ein andel i tamreinlaget. Det vart synt til vurderingane i sak 2/2023, om fjellstyremedlemmane sin habilitet ved behandling av spørsmål som vedkjem tamreinlahget, og han vart som dei faste medlemmane som har andelar i laget funne habil til å delta i behandlinga av saka.

## **Vedtak:**

Som forslaget.  
Samrøystes.

Saka blir lagt ut til offentleg ettersyn med frist 15. november til å kome med merknader. Etter at klagefristen er ute, blir saka sendt til departementet for stadfesting, jf. §17 i fjellova.

Utskrift går til:

- Lom Tamrein AS – som e-post
- Statskog SF – som e-post